

經部

詳校官侍郎 臣李 封

通政使司副使臣英赔亲覆勘 校對官編修臣沈清藻 總校官進士臣朱

鈴

腾録監生臣楊簡中

大学のないにも のは最初か 東南美国 はないない けから 寪 師 rt

卷五 卷六 卷四 經唯強 鮗 艮姤 恒 蹇 賁 漸萃 觀同 遯 భ 利 歸升 妹 離 大有 损壯 檤 困 益晉 无妄 并 謕 明 草 庝 大畜 豫 家人 鼎 随 碩

シンラは から	說卦	卷九	繋辞下	卷八	聚辭上	卷七	下經豐既旅
印代傳家易用							沈済 其 九済
			·				流節
							中学小

金过四月百十 卷十 序卦 雜卦 守臣薦于朝在名不起賜號沖晦處士後更 亂後隱居峽州長楊山谷著為此書乾道中 康中為永與軍路提刑死難其書散逆雅遭 臣等謹案易說十一卷宋郭雅撰雅字子和 洛陽人父忠孝受學于程子著無山易解靖 1.5

12. 盡同難又不以卦辭為於而謂觀乎於辭者 忘此象之本也其説如此殆與其父意不必 說追雍是書雖云本其父說而實多出于自 賜稱頤正先生遣官受所欲言乃以傅家易 雍之言曰易之為書其道其解皆由於出未 得朱子云兼山易羽于泉数之學今觀雅書 有忘泉而知易者如首腹馬牛之類或時可 大抵剖析義理與程傳相似非消泉數者也 即气中致易見

銀兵四月全書 獨本之誤不識古本故至于此要其學為程 五年七月恭校上 即孔子自謂其象傳是說為世所非蓋循王 履道之吉可謂無媳于立言者已乾隆四十 子之支流而其平生自處亦有合幽人坦坦 總養官臣紀均臣陸錫熊臣孫士發 校 官 臣 陸 貲 搱

成章此文王之所以為文也追春秋時大道不行獨下 者亦可謂至矣自孔子及微言複絕至秦漢問斯道 王之易為大道之書故自開闢以來力舉斯道而明之 筮行于世孔子于是作傳大明其道然後天下復知文 者三聖人而止耳觀三聖人之為心所以曉天下萬世 **弊見于聖人行事而述作無聞馬文王重之然後與然** 易道冥昧于鴻荒之世包儀氏始畫而明之歷数千年 傳家易說自序

火足四事全書 一個

郭八伸家易記

聖人之道固不可得而聞也宋典百有餘載有明道伊 漢以來學者以利禄為心明經抵欲取青紫而已責以 學流弊至今卒無以正之兹大道所以不明數大抵自 于是易為空言矣又非三聖人所謂易之道也虛無之 之言然輔嗣祖述虚無其辭雖美而無用于天下國家 失聖人言易之旨正始中王輔嗣一切草去易以髙尚 否漢與諸儒僅能訓詁舉大義或復歸于陰陽家流大 二程先生横渠張先生出馬監前世儒者之弊力除

איין שוושב לוליים ובין 去聖人世如此未遠而道之難明亦已甚矣況于孔子 孟氏之書是以門人率于此盡心馬且自周公殁大道 道其所學所行所以教授多見于易與春秋中庸論語 干餘載利禄之學直以聖人為師斯道為已任豈非古 不行五百餘歲而得孔子孔子及百有餘歲而得孟子 明道久已謝世甫四歲而伊川殁獨聞先人言先生之 而已先人受業伊川先生二十餘年雍始生之時横渠 之所謂豪傑之士也哉其于孟氏之功聖智巧力之間 郭氏傳家易說

嘐嘐然曰古之人古之人者其庶幾歟紹與辛未歲仲 家使母忘先生之業道雖不足志則有餘矣孟子所謂 息惟懼無以遺子孫于是潜稽易象以述舊聞用傅于 哉夫先知先覺之士曠世無有將使百世之下聞者莫 同腐久矣重念先人之學殆將泯絕先生之道亦因以 夏望日河南郭雍謹序 不與起豈非三先生之力也鹹雍不肖無聞甘與草木 殁後千五百餘年而三先生欲力復聖人之道其難矣

鱼好四月 有書

火足四年全十二 易 欽定四庫全書 繼之以變是以通久故易以變通為義大抵道適變 郭氏傳家易說 **義經曰易窮則變變則通通則久蓋言常道之窮必** 乃孔子所傳文王易也易者體常盡變其用不窮之 上下二經自序卦已分其來尚矣傳者謂今之周易 總論 郭氏侍家易乾

摄畫八卦而卦之名立文王重之為六十四之後然 後世之深恐不復聞也故明其道而載之于此自包 論其道則未始繫于聖人及書之有無惟聖人憂患 則可用可用則通久而為易未適變則不可用非易 後易之名出馬易之名出然後謂是道為易之道也 王之力也是故易者用也用之之書也舉而用之大 也太極之道初不可有而易能有而用之者包犧文 小不同斯則在人然則變而通之然後盡其利是以

夏命造攻自鳴條之義也故孔子曰我欲觀殷道是 易之聖人作易者作是書也是書之道具于未有天 藏而不名 口夏商易者時未有易之名故也連山以 是則卦名始于包養而易名始于文王卦也交也聖 艮為首主名山川禹之功也歸藏以坤為首成湯點 地之初非包儀文王所能作也後世聖人又因文王 之易以周題之所以別夏商二代夏曰連山商曰歸 人能畫之重之名之耳因其畫之重之名之故為作

たとうないとから

那八伸家易玩

卦 時馬而已書契之作始自八卦而後世不勝其繁者 皇之道簡于帝帝之道簡于王非聖人有意于其問 周易之辭也 故之宋而不足徵也吾得坤乾焉周易以乾為首文 蓋惟天地有萬古不易一定之體而人則生生無窮 天尊地早乾坤定矣早髙以陳貴賤位矣此繁文王 王三分天下有其二以服事殷之道也故繫辭首曰

ところをとう 是而人天道主覆故畫于上地道主載故畫于下人 意若曰是道之一列而有三如是而天如是而地如 道財成輔相故畫于中于是自任以財成輔相之道 而大于地地道不以地质而大于人人道不以人 而小于天地故三畫皆無差殊要其至也混而為 而配天地馬者包犧畫卦之道也然天道不以天高 故自簡至繁是為人事必然之理上古之時天道 人人知有天而不知其他也故包犧氏始畫八卦其 那凡伸家易就

成物莫能破人安得而用之及乎包犧判而三之才 易之體而易者用太極之名太極之道方其混然 六十有四日道曰事大小不同其于太極名易而實 復于太極故名日卦然則卦者太極之一耳或八或 六十四泉由之以備天下之能事平矣所以太極為 存也非若三才之分太極名實俱易矣是以聖人經 以三才而太極分緯以八卦而太極復一經一緯而 之離為八文王重而六之離為六十四然後天下後

金分四月五十

IN COURT LIGHT IN 後世或謂卦者卦也其言如此豈能盡聖人之意哉 德言之知為乾健坤順震動異入終莫能完其義而 古之言文王孔子能通之者也雖囚孔子以卦之才 謂之卦者凡九字不可以常義屑淺訓釋蓋出于上 坤震巽坎離艮兌為八卦之名與八者之名所以總 世以之脩身齊家治國平天下始可得而議矣非天 下之至聖其孰能與于此 八卦之時天道統全故其名卦必備三才之義曰乾 郭八件永易號

到公口月在書 或以道德或寫時事命名不同皆可致而知蓋中古 其餘五十六卦及易與元亨利貞皆命于文王凡六 十四卦可以意義訓釋其卦名或具三才或在人物 **此聖人之意也然終莫知上古之時卦為何訓乾坤** 萬世之下復由卦以知象由泉以知畫由畫以明道 也蓋自道而一變為畫因而成象畫象具而成卦使 大抵易之為義易通而卦之為義難得卦也畫也象 八字出于包犠卦之一字出于包檨之後聖人名之

1. 10 DE 11.5 摄氏以天地人之三而其道一故三畫而成一卦畫 有奇偶故有乾坤窮則盡變故有六子乾坤六子包 犠初不能加損益也天以是示之因以是 明之耳故 摄氏之前有聲而無畫包摄之時有畫無字三即乾 則知包犧之畫八卦而已而文王重卦又何疑馬包 也文王之時畫字具有六十四卦之畫即六十四卦 之言後世之所通也上古中古之名于是較然可見 之字後世以字易明故于盡之下重字以明之且包 郭八傅家易說

多好四月 有電 得于天者亦知地道人道之一也是以三奇為乾而 包犧之畫得于天而明天文王之重得于人而明 王之重在下為地天地設位而後聖人成能于其中 而無地人無得而生也故以包犧之畫在上為天文 地道存馬三偶為坤而天道存馬一竒一偶終不可 **蕙三才而雨之然後人因天地以生矣此文王重卦** 天有氣地有形人得天之氣以生得地之形以成必 以成卦也得于人者知太極生天地天地生人有天

ころい ひにひし とりかいつ **時成六位成章** 為主初上終始之而已然終始之亦位也故曰六位 蓋因于重卦之義且包據之畫為天天君道也故五 為臣以上下二卦別而言之如此合六爻而言之則 與非則非其中爻不備故盡人事之變以二三四五 之在人為君文王之重為地地臣道也故二之在人 三四皆人道也是之謂中交繋辭曰雜物撰德辨是 之義也携着者分而為二以象兩然後掛 郭氏傅家易記 一以炙三

爻 到分口人 石雪 無九六六位之別文王重卦之後然後天地判而有 包猿氏畫針之始其畫雖具三才而卦之天地未判 九六人道成而著六位此周公明六爻之義也何謂 六爻之後聖人稱九六之旨也是以揲蓍之法老陽 地判而有九六繋辭曰天一地二天三地四天五 天地之生數也合一三五為九天數也天本乾 稱九合二四為六地數也地本坤故坤稱六此列 總綸

とこうほとはう 成而著六位一卦之泉雖備三才而六畫之後聖人 道在成能欲用于天下萬世故舍天地而獨明人道 生而後大行之法立此聖人作易之序也何謂人道 才之微獨畫天卦方知三才為一道故必文王重卦 十四為坤策此後世聖人行九六之道也包犧肇三 之後天地上下二卦既具而後九六可生馬九六既 泉而得六故九為乾爻三十六為乾策六為坤爻二 三十有六揲以四象而得九老陰二十有四揲以四 郭八伸水易玩

多好四月子言 載而周公之禮樂法度祭然具備者盡人道也此聖 是以六爻皆人位其辭皆人事故文王之治同天之 而後可重重而後有九六有九六而後有六位有六 明三才及六位繋辭彖象之後一以人道為主人道 位而後可繋解彖象文言故方畫重九六之際皆統 多功此後世聖人以人道明六爻之說也是則有書 至此而後明矣此四聖成始成終之道也然前乎周 人著六爻之義也繋辭曰二多譽四多懼三多凶五

ここうとしこう 著三才之教皆隨時之義也然孔子之于文王猶文 **機也三王之道也使文王交之非文王也周公之道** 爻一里人垂其教則道無餘為矣使包據重之非包 三才之道文王盡三才之義周公列三才之事孔子 也聖人隨時之義蓋不然矣故自太極之始包儀象 孔子也故必一聖人畫之一聖人重之一聖人列于 下而繫以辭馬易于是始備矣而明其道傳其教者 公畫卦之時文具于畫不復重見也至周公列之于 郭氏傳於易統

都定四月全書 奇是也乾之 蒙言六奇之義也乾之才大而健是也 乾之彖言大健之義也故觀乎彖辭則一卦之義思 繋解曰彖者言乎象者也又曰彖者才也乾之象六 過半矣然先儒以文王卦辭為彖辭蓋以孔子不當 稱三聖者以此 王之于包摄也周公特終文王之一事耳故古人獨 自言觀乎彖辭則思過半也此大不然孔子之彖正

ことうし とこう 文王之辭則思過半之言乃孔子自明作羨之意及 後世欲學者先盡心于彖然後可明重卦之象及通 然後一卦之義有思過半之理孔子作彖本以垂法 文王辭不可通矣蓋文王之辭旨意深隐出于憂患 示學文王易之要法也 之言雖使知者觀之豈能思過半哉必觀孔子彖辭 ,卦之象及釋文王之辭非孔子之象則卦象與 郭氏侍家易記

繁解口易者象也又曰聖人立象以盡意蓋以易之 意不可得而盡故有象以盡之也意不可盡徒玩其 袋不同卦之三盡包 儀之象也重之為六文王之象 使斯道之可見者無非象也故象非一義四聖人之 道絕矣此聖人立象之旨也經曰見乃謂之象然則 **静皆空言耳如是則不可以訓天下後世而作易之** 也次為六位剛柔周公之象也在乾則自天行健至 于天德不可為首孔子之象也三六之象以卦為主

到好四月在言

(人三)Die / (本) | 例/ 郭氏侍家易說 **香腹馬牛之類或時可忘此象之末者也** 豈為天為地為馬為牛而已乎天地牛馬有乾坤之 歐陽文忠公言养祭文言雜入卦中者自费氏始王 泉者也非乾坤之泉止于天地牛馬而已也故知易 不能盡者求之卦則易之意無餘蘊矣然則象也者 不同其為盡意一也故辭有不能盡者求之爻爻有 六位剛柔之象以文為主孔子之象以辭為主所主 之為書其意其辭皆由泉出未有忘泉而知易者如

繋辭十篇文言解説上下經觀今之易十篇未當盡 經辭之後及王輔嗣以為祭者本釋經文宜相附近 夠為注亦用表象相雜之經考費氏傳曰徒以象象 杜元凱注左傳分經之年與傳相附觀此則小泉固 其義易了故分交之衆辭各附其當交下言之猶如 莫可考 已先在卦中殉又雜之爻中也其彖與大篆文言終 人卦中則非費氏明矣孔 願達言孔子泉辭在六爻

こうえ 文言 10·2 1/45 19 都以傳家易見 前符合別詳卷本未詳主簿名字其校證此條謂脱去乾坤二卦本未詳主簿名字其校證此條謂脱去乾坤二卦 觀乾坤二卦文言觸類而長之可也繁是書甚有 諸祖而知來蓋有不勝其言者言之終不可盡學者 也孔子曰舉一隅不以三隅反則不復又謂賜也告 辭在聖人道之易明者也學者考諸羨象智之可及 為文言所以釋一卦之解然獨著于乾坤二卦者言 易有象所以明成卦之才有象所以盡作易之意又

繋解 **郵近四月全書** 爻辭文王周公之繋辭也此上下二篇孔子之繋辭 子曰繋辭馬以斷其吉凶繋辭馬以盡其言則卦爻 也又于十翼之中獨此二篇泛論大道為諸卦之統 包摄畫卦初無繋辭文王孔子之言皆繋辭也故孔 要與彖象文言之辭異故獨曰繁辭所以尊崇孔子 之解皆是也今獨以此上下二篇稱繋解者蓋卦辭

こうこと 篇章相次事理大小皆有係理不可紊亂次章之言 **皆前章所未盡至存乎德行則易道備矣下篇復起** 重大是以分之今觀上篇自天尊地平至存乎德行 孰能與于此哉做此則易道絕矣 下篇論易之小理孔顏達言上下無異義直以簡編 何氏謂上篇明无下篇明幾或以上篇論易之大理 而精皆恭祭文言序卦説卦之所不能盡者非聖人 之辭與文王等也觀其言廣大而備變通而神无思 作人時於易兒

一到定四月全書 然章有甚大甚小有可分不可分者似不止此二十 諸儒分章不一孔題達定以上篇十二章下篇九章 分也 其說前後相次復如上篇是則初為二篇非後 多卦義及上所未終粗顯之説又不可不明之者則 不相續者豈能拘以二十一章也説見于後 一篇所言多易道之大者與其精微神變之用下篇 章故有文意未斷而章分有才一二句而文意斷

. J. 10.01 1.1.0 187 成列象在其中因而重之交在其中也上篇言乾以 者也此豈復為易之小事然貞觀貞明特引天地日 月以明吉凶貞勝之辭非在易之義又不若廣大配 早髙以陳貴賤位矣以其有是言故下篇可言八卦 矣也孔顏達謂天地之道貞觀者也日月之道貞明 故下篇可言夫乾碓然示人易矣夫坤隤然示人簡 易知坤以简能至易簡而天下之理得以其有是言 上下二篇各有辨也且上篇言天尊地早乾坤定矣 郭氏傳家易說

說卦 銀好四月在言 鹤小過之飛鳥井之為井鼎之為鼎皆是也其象不 德為易之道也觀此數義則二篇精粗器可見矣 中矣至萬物泉類如履之為虎漸之為鴻中等之鳴 卦亦有是乎蓋六十四卦各具于文言彖象雜卦之 說卦論八卦之道德與其象義情性也然則六十四 天地變通配四時陰陽之義配日月易簡之善配至 可盡言故于是数卦各明之繫解曰以言乎天地之 厂

יין יין טויסור לו אייט וופין 序卦 成一卦則變以對之乾坤坎離大過頤中孚小過八 有二帝出乎震一章八方之序也乾天也一章成卦 者皆是也此蓋卦變反對之衆先天之學詳矣雖出 視之遂成兩卦屯蒙需訟之類皆是也變者反覆惟 孔颖建曰六十四卦二二相耦非覆即變覆者表裏 問則備矣斯其所以難言也故曰書不盡言 于變象豈無其序哉故聖人所以序之也八卦之序 郭氏傳家易說

雅卦 多次四月るする 卦序包摄之道六十四卦序文王之道也道至難明 先後之序也先序八卦于上故序六十四卦于此八 所宜深戒也 卦之道纖介不遺而言易者尚或滞于空言而乖亂 **耳者可聞亦云至矣于是又為之說為之序三才八** 也聖人判之為三才離之為八卦使有目者可見有 正道或消于祈數之用不明三聖人之大旨斯學者

- SEE 149 具于序卦雜卦之中具象則見于諸卦大小象而緊 四卦則見于雜卦孔子于包樣之道詳盡于說卦旨 辭上下則無統之 増定へ不 王所未嘗明之者故不得不詳也于文王之道 性情與其為德之不同八卦則見于說卦六 己種 則甘校大 註從剛易 明粹至粹 7 至粹 繁業 郭氏傅家易說 與不 計 自 於 本 自 論 縣 載見雜雜 互卷卦至 具首各論 者誤卷雜 就據篇卦 文以首複 則

队定四年全書 乾坤震巽坎離艮兌至文王重卦之 包犧名卦必備三才之義故自太極離而為八名曰 亨利貞 轧轧 上下 氏傳家易說卷 經齡 師神 たも 部氏伸家易就 蒙 育 痸 履 後然後三才 郭雍 撰

封不一雨月 ドチョノツゴニ 世之說乾者止于天不得其道又以天為體乾為且 之不改是以其義獨異于諸卦也說卦曰乾為天故 備三才也孔子曰乾陽物也自道言之乾坤天地 乾也為玉為金為寒為水為大赤為馬為木果起 大在天之乾也為園在象之乾也為君為父在, 以乾止于天則乾象當一畫不當有人道地道 一物則是三才陽物甘乾之道故說卦曰乾

シ・ラ・ユ シニ・ 陽物也坤陰物也由乾之一卦論之則元與亨陽之 情也又親餘卦利北馬之貞利君子貞之類則疑其 以元亨二德為一利貞二德為一矣蓋自易論之乾 之初言四德後又曰乾元者始而亨者也利貞者性 **乾也又況乾坤道也天地物也得是道而後為物故** 在物之乾也以乾能備三才萬物之象而三才萬物 天得乾之道而為天也八卦之名皆與此同義文言 一物不能無軋之泉故不得獨名曰天而必名曰 がちゅびあえ

|好近四月全書 義可也且四德者在卦則為天地人而言之曰元亨 所謂元亨利貞者如立天之道陰與陽之類是也地 利貞在天地人別而言之雖亦曰元亨利貞然天之 類也利與貞陰之類也是猶春夏秋冬雖為四時由 之所謂元亨利貞者如立地之道柔與剛之類是也 陰陽觀之則春夏為陽秋冬為陰是以四德或為二 也天地人陰陽剛柔仁義皆可謂之元亨利貞而卦 人之所謂元亨利貞者如立人之道仁與義之類是 **志**月 11

易道備孔子泰泰文言成今之易而後世明觀文王 亨利貞四字而已至周公益六位爻解六十二字而 其具四者則一而已所謂語大天下莫能載語小天 卦故也是以乾之道天得之而為天君父得之而為 之仁義者以卦得無三才而三才之一物不得以魚 之元亨利貞不可謂之陰陽不可謂之剛桑不可謂 君父圉得之而為圉木果得之而為木果大小不同 下莫能破其道一也文王之易乾卦六畫之下惟元

欽定四庫全書 初九潛龍勿用 由文王以親包樣之畫則知包樣範圍天地之道同 有聖人之德不必拘以乾泉也初始也聖人之始果 爻解皆以人道為主龍雖非人而萬物皆人道之內 于太極至矣 無聲無臭同于上天之載天不已文王亦不已之義 又取以泉聖人故乾爻稱之乾不為龍而稱之者龍)易則知周公事業所謂郁郁乎文者也亦見文王 17付家号版

九二見龍在田利見大人 ここうう しこう 君子學以聚之問以辯之寬以居之然後仁以行之 至于仁以行之道大成矣故龍之潛也有必見之理 足以當潛龍之義 避于海濱亦皆是道或喻漢祖及後世之隱者皆不 此舜耕稼陶漁之時忍至玄德升聞乃命以位故潛 行育德未可為時用或時亦未能致聖人皆潛可也 之時宜勿自用伊尹耕于有羊傅説隱于嚴野二老 即人傳家易说

聖人之學也有必行之道舜之相堯伊尹之就湯太 化育參天地乎君臣俱有大德而小人勿用此二帝 時其吉凶合思神不如是豈足以有天下之大而賛 其道甚大之人也故德合天地明合日月其序合四 公伯夷之歸文王皆利見九五之大人者也人臣地 道也故見而在田人君天道也故飛而在天大人者 二王之所以與也乾德以大為主故不言聖人而曰 人然則聖人之法乾法其大而已矣

|銀次四月全書

九三君子終日乾乾夕惕若厲无咎 满假孟子稱其聞番言則拜皆夕惕之意也乾之道 是以九三位極之君子能朝夕惕然則雖處危地无 **堯舜得之大禹得其健雖欲不為帝王不可得已故** 咎矣若属者雖危也禹曰予思日孜孜舜稱其不自 三居臣道之尊當與事造業之任故終日乾乾法乾 之理髙則危滿則溢必戰戰兢兢然後无危溢之患 之健不遑休息此大禹三過其門不入之時然天下 作と呼びると

銀定四库全書 九四或躍在淵无咎 時居近君之位時其可失乎是以疑于可進而自耀 也可以仕則仕可以止則止所謂或躍也六久之義 進退惟時固不可雖而進也然君子進德修業欲及 居上卦之下猶有淵義雖潛道已草而无在田之位 初居下體之下潛之也潛則行而未成故不可用四 **乖舜禹之授受係乎道之自然聖人无心于其間馬** 率以初為未任四為已仕二為應君之臣三為人

九五飛龍在天利見大人 譽得君也四多懼近君也三多凶危也 大人之君所以利見九二大人之臣也天位不可階 得禹皐尚為已憂雖堯舜之大其憂尚如此此九五 大人莫大于尭舜也然堯以不得舜為已憂舜以不 孔子曰惟天為大惟堯則之孟子曰大舜有大馬則 臣尊極之位蓋下卦以漸進而四為近君矣故二多

而升也故稱飛龍馬二帝三王未有不得大人以與

| 欽定四庫全書 上九亢龍有悔 莫善于惕而莫不善于亢也亢則貪夫位慕夫禄不 知進退存亡其悔宜矣克老而舜攝舜亦以命禹伊 雄竊國而止耳安知所謂利見大人之道哉 者漢唐之際雖莫不然然皆權謀變詐小人之徒爭 知進退存亡者其惟聖人乎 尹複政厥辟周公復子明辟君臣之間皆有是道故 九三過而惕故无咎上九過而亢故有悔然則龍德

用九見羣龍无首吉 龍而容之有餘裕矣夫是之謂大人大人有容天下 孔子曰天何言哉四時行馬百物生馬知此然後盡 有天下而不與文王三分有二而事殷皆无首之道 為之解无首者戒其无自為首也是以堯無能名舜 際一以无心應之而已象言天德不可為首為者自 之德而无長天下之志至于天下樂推首出底物之 九天德也用天德者徧覆包含无所不容其于見羣

欽定四庫全書 性命保合太和乃利貞首出底物萬國咸寧 大明終始六位時成時乘六龍以御天乾道變化各正 **彖曰大哉乾元萬物資始乃統天雲行雨施品物流形** 用九无首之吉也乾坤純備天地九六之道故稱用 乾之四德元為大元為始泰論一卦之才故首言乾 此且雲行雨施品物流形天之長育萬物健而亨之 元元之在乾猶人之有首也萬物之所以資始者在 九用六他卦雜而不純雖有所用亦乾坤之九六也 八門等見詞 10.10 Cal 時而乘馬此聖人法乾用九之道也故孔子曰乾元 用九乃見天則且氧道之變化也蓋非物物而生之 周公繁文之義也六位既以時成則聖人可以乘此 道也而乾元則統之聖人知此故大明乾元終始一 太和乾始能以美利利天下不言所利者以此是乃 大關資始之戶使萬物无一物之不和是之謂保合 而用天道或潛或見或惕或躍或飛或亢亦各因其 卦之道得所謂潛見飛躍各以其時而成六位矣此 郭氏時家易兒

象曰天行健君予以自强不息 劉兵四月全書 非獨統論一卦之體蓋以人事無明之 用九之道也故孔子曰乾元用九天下治也易之彖 乾之所謂利貞也聖人知乾之利貞在此而不在彼 以乾健而天行亦健故也君子能像天與乾者以天 天有乾之象也君子像天與乾者也天有乾之象者 寧萬國則首出庶物而萬國咸寧矣此又聖人法乾 故法各正性命之道以出庶物法保合太和之道以

終日乾乾反復道也 見龍在田德施普也 潛龍勿用陽在下也 こうしてい 時 至而出 兼善天下 沛必于是也 乾乾自强不息也自强不息則反復皆天道造次頻 行健而君子自强不息可像之也 -非獨處做亦陽木動而時未至故也 郭氏供家易說 育澤下于民之時也

飛龍在天大人造也 或雖在淵進无咎也 九龍有悔盈不可父也 退而失時故曰近无咎也 四為有位之臣與二同功雖有進退之義而義在有 為故進亦无咎聖人懼其近而必進故或之亦應其 人體乾行健不為小道也故飛龍見大人之為 窮則變變則通通則久充不知變其能久乎

貞者事之幹也 用九天德不可為首也 文言曰元者善之長也亨者嘉之會也利者義之和也 善用天德者用其大不善用天德者用其强强无不 **賛于禹曰滿抬損讌受益時乃天道其知用天徳者** 歟 **兀亨利贞固不止于在人者則善之長嘉之會皇** 及也處衆則欲長有功則欲伐故聖人于是戒之益 1:17 昨氏再於見说

敏定四月全書 初九日潛龍勿用何謂也子曰龍德而隱者也不易乎 固足以幹事君子行此四德者故曰乾元亨利貞 君子體仁足以長人嘉會足以合禮利物足以和羨貞 事此君于行此四德之道,也君子行此四德亦同乹 禮體乾之利物故足以和義體乾之貞固故足以幹 君子體乾之仁故足以長人體乾之嘉會故足以合 和事之幹非獨人事而己 之元亨利貞

九二日見龍在田利見大人何謂也子曰龍德而正中 達之催乎其不可拔潛龍也 世不成乎名逃世无悶不見是而无悶樂則行之憂則 其所可憂此顏子所以不改其樂而人不堪其憂也 能之古之人邦無道至死不變又曰邦無道則恐豈 不易乎世不成乎名者歟遯世无問獨善其身者也 道與世合則出而見道與世違則隱而潛惟有德者 不見是而无悶人不知而不愠者也行其所可樂違 から中なるよ

一銀完四月全書 博而化易曰見龍在田利見大人君德也 者也庸言之信庸行之謹問邪存其誠善世而不伐德 誠則形形則著著則明明則動動則變變則化之序 初九潛而勿用故孔子言具隱德九二見而在田故 世之功而不自伐故天下莫與汝爭功有正中龍德 故能問邪惟中故能存誠問邪所以存其誠也有善 孔子言其龍德之著見者由二爻以觀之中庸所謂 也庸言之信庸行之謹言行之見者安行之也惟正

也知至至之可與幾也知終終之可與存義也是故居 子進德修業忠信所以進德也修辭立其誠所以居業 たこり はいう 无咎实 上位而不驕在下位而不憂故乾乾因其時而惕雖危 九三曰君子終日乾乾夕惕若厲无咎何謂也子曰君 博而物化故能盡性盡人物之性豈問邪存誠之所 乾健也乾乾健之至其自强不息可知也蓋不如是 致歟君之德正中而已九二所謂咸有一德者也 郭氏佛家易說

多好四月全書 業也事之方來可至者至之君子知動之微作事謀 内盡忠信則德不可進事業措諸天下者也其修辭 也卦至于三其道草矣自初至三可終之德紫也自 始也事之已往當終者終之君子存謹終如始之義 外見者未見其所以盡成已成物之道皆不足以居 不足以進德修業大有為于天下也德在我者也非 四以往可至之德紫也既盡善始善終之道故居三 之尊而不驕任五之事而不憂雖在危地何咎之有

進退无恒非離 犀也君子進德修業欲及時也故无咎 九四或躍在淵无咎何謂也子曰上下无常非為邪也 係乎時命也孔子嘗為委吏乘田矣豈捨正道而為 為主 上下進退皆貴有常而不變而此无常者上下進退 終之義不驕不憂皆兢兢而夕惕者也修辭立其誠 夫內以忠信而進德外以辭誠而居業知至之幾知 如皐陶矢厥謨之類是也發號施令皆修辭也以誠 押气中記見る

敏定匹库全書 九五曰飛龍在天利見大人何謂也子曰同蘇相應同 此哉亦追離類敗德而為此哉不得其時而已君子 進德修業欲及時是以不忘于或雖也孟子以可仕 而退不以義者故以及時釋或雖无咎之義 已違之疑其離羣也故言非離厚孔子懼追不以道 之處不以正疑其為邪也故言非為邪龍德在下而 則仕可止則止為聖之時而文言以或雖為欲及時 其義一也由是為魯之司寇或雖之義存馬耳九四

人在下位而无輔是以動而有悔也 上九日亢龍有悔何謂也予曰貴而无位髙而无民賢 **親本乎天者親上本乎地者親下則各從其類也** 氣相求水流濕火就燥雲從龍風從虎聖人作而萬物 事如此而有必應必親之道者係乎龍德之同耳 來者周之同德之臣也雖求之于上應之于下在 幡然而改者商之一德之臣也聞文王與而盍歸乎 大哉君臣之道各從其類如是之至也故湯使聘之 ドレラニショ

| 欽定四庫全書 轧元用九天下治也 **雖在淵自武也飛龍在天上治也亢龍有悔窮之災也** 潛龍勿用下也見龍在田時舍也終日乾乾行事也或 贵而非其位不知退也高而无其民不知喪也賢人 謂九三也九三之德知幾夕惕與此異矣德既不同 下也猶言微也如有鰥在下也時舍時可進故隨時 而舍明有正中 君德亦必待時前言位之人也後言 則在下不應不為輔也動不知止其悔宜矣 少不得考点

龍有悔與時俗極氧元用九乃見天則 時偕行或雖在淵乾道乃草飛龍在天乃位乎天德亢 潛龍勿用陽氣潛藏見龍在田天下文明終日乾乾與 陽氣潛藏則閉塞未亨之時天下文明君子出則道 業大有為也自試君子謹失時之戒故或自試上治 以天德位天位治所從出窮之災窮不知變故災至 交之時也常前言以下原本 天下治知乾元之義而用天德則治矣 ドしりこりも 本移正 行事與事造在明舍的行事與事造

欽定四庫全書 乾 元者始而亨者也利負者性情也乾始能以美利利 天下不言所利大矣哉 德而得天位也與時偕極乾道極矣時不復矣而不 文明與時偕行時可行健君子應時行之行謂用也 乾道乃草潛龍之義至四而草也乃位乎天德有天 知止战與偕極乃見天則惟天為大惟堯則之觀用 九之義見天之可則也 元亨者乾之始也利貞者乾之性情也乾之始大是

こうとこう 乘六龍以御天也雲行雨施天下平也 大哉乾乎剛健中正統粹精也六爻發揮旁通情也時 業也時來六龍以御天乾之用也雲行雨施天下平 乾之功也有是德則有是業有是用則有是功也然 剛健中正純粹精乾之德也六爻發揮旁通情乾之 利天下者始于乾元故彖曰大哉乾元萬物資始可 也就之性情健是也惟其大故元亨而健故利貞也 言所利则其利小矣不言所利无所不利也 印气学衣易見

見行而未成是以君子弗用也 君子以成德為行日可見之行也潛之為言也隱而未 **德發揮旁通以廣業時乘六龍崇德以致用也雲行** 精者德之精情者卦之情乘六龍用九也天下平致 隱而未見時之未至也行而未成德未大成也是以 雨施廣業之功成也 美利也就之大如此聖人之法乾也剛健中正以崇 確乎其不可拔也成德者時成之龍德也言之信行

龍在田利見大人君德也 君子學以聚之問以群之寬以居之仁以行之易曰見 三重剛而不中上不在天下不在田故乾乾因其時 學聚問辯寬居之者期于仁以行之耳故潛龍勿用 與此 知其成而未成也見龍在田知其君德大成而可行 也是以利見大人惟仁以行之為九二之事 A 21 3.1.)謹善世不伐德博而化皆可見也初之潛未足以 节气寺家易并

新定平全書 九四重剛而不中上不在天下不在田中不在人故或 之或之者疑之也故无咎 而惕雖危无咎矣 四承重剛多懼之地上不為中正之君下不為同德 為危懼之地 在天為君在田為臣皆中正也三乘重剛而過中 之臣中非與事造業之任故于進退懼而或之也或 則母必是以可進則進可退則退故无谷

且弗達而況于人乎況于思神子 序與思神合其吉山先天而天弗達後天而奉天時天 夫大人者與天地合其德與日月合其明與四時合其 能同于天而无相違之道況于人思乎蓋與天道同 序有常无私于生養其吉凶有感无私于賞罰是以 其德有客无私于覆載其明无不及无私于照臨其 天下至大也非有天德者不能有天下惟有天德故 者不像乎先天後天也究觀乾之一卦則包犧之書 郑气将衣易兄

亢之為言也知進而不知退知存而不知亡知得而不 知喪其惟聖人乎知進退存亡而不失其正者其惟聖 明人配天地文王之重明聖人成天地之能周公之 能有大禹為大禹皆九五之大人數 孔子可仕則仕可止則止可久則久可速則速孟子 治神人乃知君道不可以不大也故堯則天之大舜 爻明有天德則居天位孔子之辭明合天地則可以

得朋東北喪朋安貞吉 J. 19:00 1:17 坤元亨利牝馬之貞君子有攸徃先迷後得主利西南 乾健也坤順也天地之大德曰生則乾坤元亨皆 三神神 聖人釋文至于四五者蓋其道難以一義盡也 稱為聖之時大哉隨時之義也一失其正而為亢則 也利貞之體異者坤以順為正也牝馬順而健者也 于進退存亡得喪之際尚不能周知況天下國家平 邦氏附家見記

多次四月全書 言所利則不名為大故彖曰至哉坤元坤德至順待 朋則以健濟順天下無不濟矣坤道以喪朋為正君 朋是也得朋則以順濟順可小事不可大事之道喪 道在物之後則得其道得其道斯能成其所利矣西 唱而應不為物先故君子有所往在物之先則失其 先順而後健坤之道也利北馬之貞所謂言所利也 南坤之類也故得朋東北反坤之類也故喪朋世有 以得為吉者,先之得舜是也有以喪為吉者坤之喪 灰

とこのほとなう 君子攸行先迷失道後順得常西南得朋乃與類行東 疆含弘光大品物咸亨牝馬地類行地无疆柔順利貞 **参曰至哉坤元萬物資生乃順承天坤厚載物徳合无** 比喪朋乃終有慶安貞之吉應地无疆 繇解自君子攸徃之下皆人道也凡言吉凶皆人道 子安此則吉敦大馬上言元亨利牝馬之貞蓋坤之)解餘卦同 |則无不至至則有所極此乾坤之異也始則未生 郭氏傳家易說

動好四月全世 物而已元者四德之首也故統天為乾之元而厚載 為坤之元也无疆之德健是也剛健中正此乾之所 生則成形坤之資生順承之道是為坤之至也 以大含弘光大此坤之所以至含弘言其静而翕也 弘光大而已乾為馬非坤也而坤有取于牝馬者欲 光大言其動而闢也萬物資生而得咸亨者本于含 **禾足以盡坤之道其能合乾无疆之大德者厚載萬** 合乾德无疆故有取于馬也合乾而非乾故曰牝馬 順

とれからという 東北喪朋則得至柔動剛之理坤道乃備是以乃終 有慶矣聖人出底物而寧萬國者法天之行健也安 南與類行是不知坤有剛柔動靜之道一于陰者也 則順而得常道也然一陰一陽之謂道坤本陰而西 柔順至柔也利貞則動剛在其中矣且乾健坤順道 之常也还之則失其道也故坤先則迷而失常道後 而行地无疆也君子法坤之道行此柔順利貞而己 部氏傳家易花

北馬柔順而行健坤道至桑而動剛故能合乾之德

多好四月全書 象曰地勢坤君子以厚德載物 故乾坤皆言天地而六子之象亦各舉其大者明之 乾德之无疆馬行類地之无疆聖人應坤之无疆此 于後順喪朋之正而終于吉者應地之无疆也坤合 知地勢得坤之順也故君子法之厚其德而无不載 天得乾道之大者地得坤道之大者聖人從其大者 也乾言天行健則知天得乾之健也坤言地勢坤則 二言无疆之別也

とこうし ひょう 至堅冰也 初六履霜堅冰至象曰履霜堅冰陰始凝也馴致其道 理故也禍亂之作莫不由此是以大禹之戒言不見 陰為小人坤之初六陰生之始而言履霜之漸以見 其早也霜之始殺未至于堅冰馴致其道有必至之 聖人好生惡殺辨君子小人之分防微杜漸戒之于 陽主生陰主殺故春夏為陽秋冬為陰而陽為君子 馬古之人自任以天下之重者以此 郭氏付家易玩

多分四月子言 習无不利地道光也 六二直方大不習无不利象曰六二之動直以方也不 是圖而成王毙之于小宣王慎之于微詩書有取馬 蓋不有是德則一于柔順而已又豈能東北喪朋而 臣道以順為正得順之至者其六二乎六二盡牝馬 行地无疆乎故泉以直方為六二之動而文言亦以 其動也剛稱之然牝馬順而健性之自然非習之 2.道者也盡牝馬之道而言直方大者疑于陽德也

しこうに とれつ 盡坤之利矣繋辭曰坤其靜也翕其動也闢闢則含 以其動而光乎舜曰重華禹曰文命皆地道之光者 弘光大品物咸亨所以為地道之光也地道之光非 動静之除无所往而不為利雖非乾之不言所利亦 後能也蓋君子盡在已直方大之德而外物之來雖 者以敬義也素富貴貧賤者以誠明也臣道得此則 不習而可應猶所謂素富貴貧賤者也不習无不利 邦氏傳家易見

時發也或從王事知光大也 六三含章可貞或從王事无成有終象曰含章可貞以 金好四月全書 守含章以待從王事之時則含弘光大之義得矣三 成天之功終地之德而已然含章則不如終于必吐 坤以六二為一卦之主三非任時之責者雖有美德 居下卦之上其位非不尊雖有從王事任天下之道 可明含而固守之可也或從王事謂從天下大務无 而後已此待時之義也待時者從王事之時也知固

J. 10.00 / 14.00 六四括囊无咎无譽象曰括囊无咎慎不害也 害而六四又知夫譽之為害也不其慎之至歟孔子 六五之君柔弱在上而四又以柔德獨近之其道危 動又異含章之發括而絕物斯无咎矣善惡括而不 形故无譽好惡括而不萌故不害天下徒知毀之為 矣惟六四知幾之君子一以柔德自處既絕直方之 也故知六二之外三之德可以任重 而六二中正已當其位矣故或之含章可貞非小道 郭氏傳家易說

六五黄裳元吉象曰黄裳元吉文在中也 坤雖臣道而五實君位雖以柔德不害其為君也猶 り也 言賢人隱非隱其身也隱其德也善夫知幾君子之 乾之九二雖有君德亦不害其為臣故乾有兩君德 隱子然則括震果為臣之道數曰時使之然耳非得 柔居尊下下之君也江海所以能為百谷王者以其 而无兩君坤有兩臣德而无兩臣皆一義也六二以

多定四月全書

黄裳之君不能致也文在中者言美德在中故暢于 禹阜陶文王有徽柔懿恭之德而後能得閱天泰颠 讓之德而後能得舜舜有温恭允塞之德而後能得 然則黄裳之德其為元吉宜矣元大也一人有慶兆 蒙下服也是以至美之德而下人也昔堯有兄恭克 四肢發于事業皆天下之至美是以天下蒙其福也 民賴之之吉也二五之爻蓋聖人明直方之臣非有 善下之也下下本坤之道也黄中色也色之美者也

即气中於易說

舒定四件全書 上六龍戰于野其血玄黄象曰龍戰于野其道窮也 窮而在君之義亦闕矣其血玄黄蓋君臣兩傷之謂 也進而干陽逼也則疑而戰矣野者在外之地言陽 君不唱則臣不和有不待唱進而干陽者上六之道 陰道柔順待陽唱而後動者也故陽不唱則陰不動 六四明柔德近君著一時之變與六五辭不相通不 之拒除必使不侵其內也龍戦于野則為臣之道既 可符合易之辭類如此觀之久象文言斯得之矣

J. 17:2 J.1. 用六利永貞泉曰用六永貞以大終也 幾何不道窮而龍戰哉 桑順而動剛坤之德也可久之道也用六之義用此 **残臣下如異類其臣固有得罪者而彰君之惡大矣** 而已用此可从能勿大終乎用九非獨君也臣亦可 非特玄黄而已嗚呼上无黄裳之君下无直方之臣 尺寸之屑不爱豈自傷其元首股肱哉漢唐之君屠 也觀二帝三王之時君臣一體如元首股肱夫人無 節八傳家易兒 ニナホ

一多定匹作全書 積善之家必有餘慶積不善之家必有餘殃臣弑其君 文言曰坤至烝而動也剛至靜而德方後得主而有常 含萬物而化光坤道其順乎承天而時行 用九二是也用六非獨臣也君亦可用六五是也 後得主而有常矣含萬物合弘也化光光大也所謂 其静也翕其動也關也然而要坤之至以順承天而 行以時而已此重明卦彖之意 雖以柔靜為主苟无剛方之德不足以含弘光大

直其正也方其義也君子敬以直为義以方外敬義立 不早辨也易曰履霜堅冰至蓋言順也 . J. 17.21 J.1.7 子斌其父非 坤之初六非積善之象而文言先及積善者因明善 道必不能早辨故也 而剛靜而方為至蓋非剛非方則一于順皆馴致之 不善皆在所積知不善之不可積則善為可積矣聖 人貴夫早辨者應馴致之易長耳所以坤之德以柔 朝一夕之故其所由來者漸矣由辨之 印气中最少艺

銀灰四月全書 而德不孤直方大不習无不利則不疑其所行也 直以言六二之正也方以言六二之義也以敬為正 事造業之任也直內則中立不倚君子所以正其心 而直內盡處中之道矣又以義而方外是以能居與 方外之義也五典克從百揆時敘无所往而不利故 大德不孤矣虞舜夔夔齊帜直內之敬也温恭允 方外則和而不流君子所以措諸事業內外正立則 不疑其所行也

とこりはとこう 蓋言謹也 道也地道无成而代有終也 陰雖有美含之以從王事弗敢成也地道也妻道也臣 天地變化草木蕃天地閉賢人隱易曰括囊无咎无譽 道臣道皆坤之道也无成代終含美俟用而已 陰能含美則能從事蓋坤之德含弘為先也地道妻 而萬物不遂此自然之理非必天地不交否之時為 天地交感則賢人出而萬物亨天地開隔則賢人 郭氏傅家易說 チハ 隱

君子黄中通理正位居體美在其中而暢于四支發于 事紫美之至也 隱矣括囊蓋欲其自謹之耳 然也君臣之道不合則為閉矣賢人之德不彰則為 發于事業見于四方萬里之遠者無非在中之美德 居君之體而德與位稱也是以近而暢于四支大而 君子有至美之德能通天下之理故可以正君之位 也充之足以保四海是為美德之至夫聖人治天下

金月四月全世

類也故稱血馬夫玄黃者天地之雜也天玄而也黃 陰疑于陽必戰為其嫌于无陽也故稱龍馬猶未離其 こううこしこり 上六之戰无龍以明之則不知其與陽戰也為其嫌 國家之道必本于正心脩身之微是以六五君子之 稱龍故稱血因其稱血故稱玄黄從其類而言此周 于无陽而言戰也故稱龍馬蓋俱陰无戰故也因其 發于事業者蓋由在中之美能通天下之理而已 公爻辭之大法也天玄而也黄蓋天地陰陽兩傷 印氏傳家易記

聖泉下 銀灰四件全書 屯元亨利貞勿用有攸往利建侯 易為三才之書其言則三才之道也天地人雖均為 意也 不足以盡故自屯至未濟共為人道以配乾坤是以 而盡天道純柔為坤而盡地道至于人事不齊 三才獨人道雜而多端无天地之純全故純剛為乾 卦所載人事為多而人道自此明矣然則人道以

المام المام المام **教萬物資始元也品物流形亨也各正性命保合太** 物而康屯者故屯有得于乾坤之四德也然四德非 六十二卦而後能配乾坤所謂乾以易知坤以簡能 和利貞也是則天地之道始終在于萬物而萬物以 之時皆屯也故為人道之始乾坤之四德所以生萬 蚁天地无屯人與萬物皆有之物之始生及其未亨 人為首故屯為人道之始身四德而繼乾坤也人道 于屯也屯之所得者也之時屯之事而已觀乾之 郭氏侍家易說 羊一

滿盈天造草林宜建侯而不寧 **彖曰屯剛柔始交而難生動乎險中大亨員雷雨之動** 到近四月全書 陽則戰況剛柔之交能无難乎以是知人道之患與 始生而未成未可用有所往先于建侯者聖人配天 **乾剛坤柔至屯而始交交則人道乃著然純陰疑于** 地之德生萬物而康屯莫先此大公之道故也 不能无憂也屯之時處險而不可動故言勿用有攸 大地異故繫解言鼓萬物而不與聖人同憂是聖人

ノスフランニラ 泉曰雲雷屯君子以經綸 建侯康屯之主也利建侯則動乎險中亦聖人所不 得己也惟動則得大地大亨萬物之利道苟一于勿 之道也 **脉也聖人法天繼天而造草珠此屯之所以繼乾坤** 用有攸往則非康屯之主也雷雨之動滿盈乎天地 往屯者也而天下草昧聖人不得不動之時故言利 的此天造草脉也建侯而不寧聖人法天而造草 部民将家易所

多定匹库全書 初九盤桓利居貞利建侯象曰雖盤桓志行正也以貴 下贱大得民也 則居屯者有不可動之勢而天下萬物方資于濟屯 居貞建侯如是之利可免盤旋矣剛桑始交而難生 屯之時與事皆當點桓盤旋未決也居屯之道則當 寧之謂也 而未雨所以為屯經綸者經綸天下之事建侯而不 坎在上為雲故雲雷屯坎在下為雨故雷雨作解雲

六二屯如遭如乘馬班如匪寇婚媾女子貞不字十年 くこうを とこう 志行正也況以陽下陰大得民乎聖人經綸建侯非 湯武其盡之 自為也為民而已為民而得民其難濟矣夏商之李 屯也何不利之有故雖盤桓而不失康屯之道故曰 濟屯之難居正而靜不違勢建侯而動不違時其干 遇不可不動之時此所以盤旋也初九以剛明之才 之才則濟屯者為不可不動之時以不可動之勢而 郭氏傳家易說 辛二

多员四月全書 六三即鹿无虞惟入于林中君子幾不如舍往各象曰 乃字象曰六二之難乘剛也十年乃字反常也 桑 弱于六二故為在屯之 直者而有女子之象馬馬 屯之世動在險中非陰柔之所宜也況六爻之中莫 寇則婚媾耳六二居中待應不為苟合寇婚不從故 班如欲應五而不能進也初九之剛進而見逼非為 屯可謂女子之貞者矣 云不字至于十年屯難反常終從正應則六二之處

ここうし ここう 即鹿无虞以從禽也君子舍之往吝窮也 虞翻王肅以鹿為麓先人曰如鉅鹿沙鹿之鹿故知 為得矣往則遇險其道窮也 非處險之道也曾不自度可動之利雖即鹿也不過 六三以陰柔之才非中正之位居動之極貪于有獲 作禽荒則從禽禽荒皆謂田獵則此不止于應明矣 從禽非專鹿也雍曰孟子言從禽獸而无厭書言外 入于林中而已豈能有濟哉惟君子知幾不如舍之 部氏傳家易說 子も

多完四月 全書 六四乘馬班如求婚媾往吉无不利象曰求而往明也 我往是以吉无不利也六二不與初九而待正應是 居屯之時有濟難之志而无濟難之才者六四也无 求而後往是之謂明明則事業與馬此伊尹伯夷之 其才則必資剛明之才與共濟難此所以班如有待 于初九也初九正應以陽下陰得婚媾之義彼求而 之謂貞貞則正道存馬六四不近比九五下待初九 以辨也

九五屯其膏小貞吉大貞凶衆曰屯其膏施未光也 權去已而欲縣正之求凶之道魯昭公高貴鄉公之 宣脩德用賢復先王之政諸侯復朝以道馴致為之 事是也故小貞則吉也小貞則漸正之也若盤庚周 **损也惟其施為有所不行德澤有所不下是屯其膏** 伊川先生云人君之尊雖屯難之世于其名位非有 不暴也又非恬然不為若唐之僖昭也不為則常屯 人君之屯也既膏澤有所不下是威權不在已也威

大元四年10年

郭氏傅家見說

十四

上六乘馬班如泣血連如象曰泣血連如何可長也 類也能排君之德者也能屯君之澤者也人君感而 康屯之道莫大于建侯不寧非優柔不斷之所能濟 好之乃所以不下是屯其膏人君之屯也既膏澤有 屯于險中豈能膏澤下于民哉然女子小人皆陰之 以至于亡矣雍曰九五位非不尊也處非不正也德 所不下施豈能光哉 非不中也見揜于二陰而有屯膏之泉者蓋五方自

利貞 家等匪我求童家童家求我初筮告再三清演則不告 たこのしたいう 時故乘馬班如皆欲待而有所之也 如獨无所待進退不決而自傷耳屯為柔弱待濟》 不知變者矣故進退猶豫終以自傷非可外之道也 也上六處屯之極乘馬班如同二四之道可謂優柔 一之班如待正應也四之班如待求而往也上六班 郭氏侍家易說

求童家童家求我志應也初筮告以剛中也再三瀆瀆 **家曰蒙山下有險險而止蒙蒙亨以亨行時中也匪我** 蒙處蒙者也我所以發蒙者也一德以筮之則我一 亨之理聖人發蒙有致亨之道此家之所以亨也童 德以告之彼二三其德是以不能告也蒙之時行此 屯之所以為屯者險而動也蒙之所以為蒙者險而 止也屯者物之始生生而後稱卦之序也物稱有必 為利貞耳筮者問而決之也蓍之稱筮義蓋同此

Substitute Linder 則不告瀆家也蒙以養正聖功也 我有治蒙之志童蒙有求我之志故云志應初筮告 亨之道行耳九二處得其中應得其時是亨之道也! 非所以治蒙也蒙之道養正者則不感而不取于二 者剛中之性无二三也再三不告蓋以瀆我而亦所 童言物之稱也物稱則求亨求亨有亨之道思不以 險而止蒙畏而止之者童蒙也安而止之者聖人也 以演蒙也演則愈惑是以室者不復通晦者不復光 郭凡傅家易説

象口山下出泉蒙君子以果行育德 金プログノア 養正猶孟子言以直養而無害蓋正直皆謂天之所 先人有言蒙之為蒙可以達材可以成已也雍曰山 三養正不已終成聖功是以不失赤子之心為大人 山止也蓋山下之泉必養其源然後決而為江河君 子必育德深厚然後可以果行也其所以利生萬物 出泉行之所以果行止之所以育德非以泉行而

12.10 DIA 以正法也 初六發蒙利用刑人用說桎梏以往各象曰利用刑人 過于此豈非說桎梏之道哉不知此道而以往能无 先人曰人之生不知學問之可成不知罟獲陷阱之 者所謂達材數 民性之易遷故欲辨之于初也雖舜之刑期无刑不 可成也利用刑人是使之知陷阱之可避也聖人懼 可避凡以蒙故也雍曰初六發家是使之知學問之 部八件衣易兒 走

九二包蒙吉納婦吉子克家象曰子克家剛柔接也 善取而納之長幼之節不廢而君臣之倫不亂是雖 善而於不能者也故雖昏愚之家包而容之柔道之 發蒙所以教之也用刑所以輔教也此舜戒 鼻陷明 各乎或以用刑為發蒙之道疑聖人先刑後数非也 九二以剛中之德為治蒙之主所謂尊賢而容泉嘉 于五刑以殉五教之意聖人豈有先刑罰而後教化 理哉

多分四月在書

Calore Mano 于剛也 家而後吉苟无子道獨能包而納之是為强僭不制 之臣矣故二者皆以克家為吉包蒙納婦剛克也子 乎剛柔接者謂二之剛中上接于柔五之異順下接 克家柔克也孟子曰有伊尹之志則可其九二之謂 以尊甲言之五父道也二子道也包蒙納婦必子克 郭氏傅家易託

包果蒙而為之主以陰陽言之九夫道也六婦道也

為治蒙之主而上下之分嚴矣是以吉也然包蒙者

六三勿用取女見金夫不有躬无攸利象曰勿用取女 多分四月百里 行不順也 六四困蒙吝象曰困蒙之吝獨遠實也 先人日上下遠于二剛无所資馬謂之因蒙是以君 六三不正之女捨應從二見利忘身與負不宇者異 子慎其獨也雍曰遠于二剛无所發蒙則困陽實而 矣何所利哉易于有應言婦无應言女捨應從二行 不順矣稱女可也

んこのられた 六五童蒙吉蒙日童家之吉順以巽也 柔順居尊下應九二學馬西後臣此童家之吉也太 嗇而可鄙之意 則失道而寡助以此務學則孤陋而寡聞然則因蒙 陰虚故稱遠實孟子曰夫苟好善則人将輕千里而 却亦自取之軟伊川以各為不足謂可少之也然有 來告之以善何困之有夫苟不好善則訑訑之聲音 颜色拒人于千里之外是其所以因也故以此居上 部氏傅家易記 手丸

多分にたる言 上九擊蒙不利為寇利樂寇象曰利用禦寇上下順也 甲之子伊尹高宗之于傅説是也太甲克終允德高 宗克邁乃訓皆順以異之義 至也蓋有積惡不移之質如何校減月者也上九剛 先人曰不利為寇利禦寇彼我賓主之解非有時而 過之才發蒙則不能容以之樂寇則利矣能樂寇亦 利為寇也雍曰既利禦寇則彼來寇者不利明矣夫 不能戒之于早終至于過而後擊之亦非特教之不 巷

需有孚光亨貞吉利涉大川 **泰曰需須也險在前也剛健而不陷其義不困窮矣需** たことをという 需也需之亦以成是德也貞則吉需之道也利涉上 者充實之美也光亨者輝光之大也有是德眾之所 去衆蒙之害上下得不順之乎 天地之大尚不能无所需以生萬物況人道乎有孚 川乾之健也 **東**東 上下 Q 郭氏侍家易說 F

象曰雲上于天需君子以飲食宴樂 也 金分三月石書 有孚光亨貞吉位乎天位以正中也利涉大川徃有功 需須也以乾之剛健其遇險也止于不陷不困窮而 者九五也故言位乎天位以正中為需之主宜矣 以卦言之乹猶需于五以爻言之五猶需于物故曰 先人曰文武以天保以上治內采薇以下治外而始 已則險之為義大矣能无需乎有德以待天下之需

用恒无咎未失常也 ここうこし しょう 初九需于郊利用恒元谷象曰需于郊不犯難行也利 需也也家之後天下之所需者在君而君之所需者 以乾之剛猶有畏難之義則險其可犯哉初九遠于 在賢雲上于天欲雨之旅寫物之所需也飲食宴樂 所以養賢膏澤將以及民亦天下之需也 之道也飲食朝夕之需也人无機渴之害則飲食无 ,燕屋臣嘉省者高之道也雍日序卦日需者飲食 邦气寺灰多元

有言以吉終也 九二需于沙小有言終古泉曰需于沙行在中也雖小 盡畏難之義是以利用恒无咎可需則需不可需則 道 難者也故言于郊于郊不犯難矣勿以遽而妄動乃 勿需也可應則應不可應則不應也此需時用常之 才居柔守中小言之傷不為大損是以終吉欲无小 沙近水近難也近之必不能无難故小有言剛明之

一銀定四库全書

敬慎不敗也 九三需于泥致寇至象曰需于泥災在外也自我致寇 則于泥之寇自我致之也災自外來也敬慎而不敗 言之愆則遠于郊而用常可也二雖不能遠于郊而 者君子责已反身之道也躬自厚而蒋责于人則逐 于泥則有難矣不能于郊而于沙不能于沙而于泥 以寬裕居中是雖有言而吉終也叔孫武叔敦仲尼 子貢曰其何傷于日月乎然吉之謂也 ドラヤスシテ

欽定四庫全書 六四需于血出自穴象口需于血順以聽也 以陰柔之質處衆剛之上不能違而避之反出自穴 行險以傲幸鮮不敗矣然君予雖因接物而有敬而 怨矣何敗之有是以君子居易以俟命敬慎也小人 是自求禍也故需于血然應于初九自上應下能順 敬當在物先故坤之直內言存于物先也需之九三 上六見于用以接物而已 以退聽故雖傷而无凶

こうこうこう 上六入于穴有不速之客三人來敬之終吉象曰不速 之客來敬之終吉雖不當位未大失也 九五需于酒食貞吉蒙曰酒食貞吉以中正也 先人曰上六不當有事之地至于三陽彙征不能退 賢而已養賢以及萬民所謂應天下之需也應鳴之 所謂太平窩之所謂貞吉也雍曰飲食非自養也養 先人曰既醉以酒既飽以德人有士君子之行詩之 君蓋得需于酒食之道天保之福所謂貞吉也 甲气学記马力

欽定四年全書 聽以違之雖敬之終吉未大失而已乃若鴻飛冥冥 弋人何慕馬上六坎也故不足以進此雍曰上六據 自傷而已故曰未大失也天道上行理之常來而敬 非其位不能退聽徒知入于穴以避馬僅免夫需血 Ħ 主然水行需舟陸行需車莫非需也卦特言其大者 也故于郊于沙于泥出入于穴獨五自然是為需之 之終无凶也夫需之時天下如饑之需食渴之需飲

たいとりは人はかっ 訟有孚室惕中吉終凶利見大人不利涉大川 主北北下 情之異耳然性情之異而有爭則同者親而无孚需 需訟一體也相親而需則為需相違而訟則為訟性 惕者謹其事而知懼也得其中則吉成其終則凶如 好生之德治于民心兹用不犯于有司室之也欽哉 之妄也訟而无孚訟之妄也室者塞其源而不流也 此則知訟之為道矣非特訟者為然聽訟亦如之也 部氏傳家易納 9+B

彖曰訟上剛下險險而健訟訟有孚室惕中吉剛來而 大川八于淵也 得中也終凶訟不可成也利見大人尚中正也不利涉 成而孚翰而孚有孚也故乃明于刑之中中吉也舜 欽哉唯刑之恤哉惕之也吕刑曰簡享有眾又曰欲 典之疑唯輕吕刑之疑有赦不成其終也 訟不親也不親而健健而陷此所以為訟剛來居! 而得中故二為成卦之主用中則吉也大人與天地

多分に人ろう

たこうちんだか 泉曰天與水違行訟君子以作事謀始 天水違行大不親矣作事謀始期无訟也邦无道免 謀始也此謂室惕之道 于刑戮在下之謀始也刑期无刑必也无訟在上之 在下而必陷也 淵矣需之利涉大川險在前也訟之不利涉大川險 險欲陷健遠之可也故不利涉大川涉之則自入于 合德日月合明无私之大者況訟乎是以利見之也 E C 郭氏侍家易說 7

歸道衛也自下訟上愚至极也 九二不克訟歸而逋其邑人三百户无贵象曰不克訟 重为四月 有言 也雖小有言其辩明也 初六不永所事小有言終吉象曰不永所事訟不可長 克而报患也 永所事是以終吉言于初者戒之于始也初四在於 訟之初未始不小有言也永其事則有成終之凶不 之應者是以其辯易明二五在訟之不應者是以不

た正田中公告 克也不克則置三百戶之邑而歸逋竄之中可无告 先人曰十室之邑必有忠信則三百戸不為小矣雍 曰二五有君臣之位上下之分非可訟也訟之義不 訟上之患者乎 難也伯氏縣邑三百管仲奪之而沒齒無怨言豈有 如此況无其才者乎是以聖人貴夫室惕而不利涉 矣蓋以下訟上其患自取尚不違其已是連誅伐之 褐也九二以剛中之才一陷險中而不克訟其取患 郭八傅家易說

六三食酱德貞屬終吉或從王事无成象曰食酱德從 上吉也 室惕者也故能保甚德之禄而固守勿失與逋其邑 而喪者異矣雖介二剛為危道而終獲吉者能室具 以陰柔而介二剛之間危懼也能不以訟為事所謂 訟故也介二剛有道乎拾二之訟上從乾道代終而 之大可謂德與位稱者矣然催能食舊而已九二自)從其大體者也故吉六三不以訟為事上從乾吉

失也 九四不克訟復即命渝安貞吉蒙曰復即命渝安貞不 剛强之才未嘗下人非得位必多訟九四居上訟下 獲吉復即初命捨訟而應初也應初所以為正也是 為初辨明既不克訟復即初之命變而安于貞是以 以不失舊德之道苟非復即命渝安貞殆亦逋邑之 下訟上报患已至又豈能保其舊邑哉逋寬宜矣

火足四平全事 丁

流乎九四蓋嘗有訟能變而獲吉故不言舊徳而象

郭氏傅家易說

ウナス

九五訟元吉祭曰訟元吉以中正也 優于二論德則三優于初其訟者上九乎亦愈于 但言不失也既云不克訟則无德可言矣論訟則四 之犯上也 也大矣蓋非一人之吉實天下之吉也診獄之歸虞 舜虞芮之質文王其九五之謂也 九五中正大人也聽訟之主也天下之長也為天下 之長以中正之德聽天下之訟人之所利見其為吉

敬也 上九或錫之擊帶終朝三褫之家曰以訟受服亦不足 たこのは、さい 若六三不言訟而守舊德又不若九四復即命而不 非所以賞訟也雍曰上九以訟而錫之聲帶其招褫 不足贵如此況自下訟上義不克者奪邑宜矣是不 先人言辭子大帶也男子 失也 1 郭氏傳家易記 肇婦人帶絲蓋爵命之

一家口師衆也貞正也能以衆正可以王矣剛中而應行 師貞丈人吉无咎 金月三人 事争逆德无全吉也故以丈人无失律喪師為吉以 善補過為无咎 動无輕敵貪利危國喪師之患所以惟丈人為吉也 與武王唯師尚父宣王方叔元老同義兵凶器戰危 也故師以貞為先丈人尊嚴老者之稱故能應善以 師為衆九二主師之泉也貞正也師之道正于一者

象曰地中有水師君子以容氏畜衆 險而順以此毒天下而民從之吉又何咎矣 たいのでという 動者蓋有義存馬則民從之毒如樂石之攻疾毒之 後動衆正于九二也能用衆正之九二則可以王 剛中而應九二也行險而順師之義也師道必正而 所以除害也所謂誅其君而吊其民東面而征西夷 五是也師者凶危行險之道故曰毒天下而必以順 怨者可謂善補與師動衆之過者矣

郭氏傳家易玩

军人

初六師出以律否誠山泉曰師出以律失律山也 あらい人子 黨州鄉客民之道也小司徒有伍兩卒旅師軍畜衆 害之大者无踰于此故戎為國之大事而洪範八曰 師聖人戒謹之意為至深矣可无律以妄動而蹈至 師之勝負上則繫國家安危下則繫億兆人之命利 之法也 險之機乎禁暴誅亂雖不得已而用之不可无律心 先人言地所以客民水所以畜衆大司徒有比問族

KEDIN MAND 吉无谷之道哉 膩凶無計其所獲曾未補干萬分之一安知所謂中 臧其凶固宜或幸而勝雖臧亦凶者蓋聖人明師之 吉山于有律失律之際不在于否城幸不幸之間也 漢武窮兵以討匈奴僅有獲馬而天下戶口減半非 否城幸不幸小人之事非丈人之道故聖人不取也 卦解首言師貞以明師之道莫先于貞也然失律否 故師之初六言師出以律以明用師莫先于律也猶 郭氏傅家易記

也王三錫命懷萬邦也 金グドルノコー 九二在師中吉无咎王三錫命象曰在師中吉承天寵 班師旅旅文王之命将也曰薄伐西戎宣王之北征 谷之吉非攻戰之功也昔禹之祖征也苗民逆命而 中則吉而无過何咎之有是以王三錫命以罷其无 九二以至剛之才為一卦之主其行師用兵之道宜 也曰蒋伐玁犹皆以用中為貴也用中故无過之可 以剛濟矣而能用中馬此蓋丈人主師之道也用


大江日日 白油 約與國戰必克今之所謂良臣古之所謂民城也觀 然且仁者不為而況殺人以求之乎文曰我能為君 補又何必有戰勝之功而後為吉乎春秋無義戰聖 為懷萬邦之道不然以王命三錫尺贼則天下被不 仁之害適足以糜爛吾民尚何懷萬邦之有是以古 此則知殺獲之功固非聖賢所尚矣是知中吉之寵 人盆城孟子辭而關之其言有白徒取諸彼以與此 人贬之久矣後世爭地以戰殺人盈野爭城以戰殺 郭氏侍家易說

六三師或與尸凶象曰師或與尸大无功也 金分じたる言 師道尚専則正故五陰一陽戍為師卦師臣道也故 蒙其利而人无知者師卦所謂丈人之徒歟史氏既 許之技視殺獲首房初无意馬其安疆場之功後世 潜德之光哉 不能暴白于天下徒誇大匹夫悍卒與夫權謀祖許 之仁賢之將率以安民和衆為先恥為孫吴小人變 之士以資委巷之談識者悲之安得以師中之道發

とこうにして 雨 六四師左次无咎象曰左次无咎未失常也 賢哉六四之左次也師之進退理不可必可進而進 可退而退則常道也六四以陰居案力不能進而左 主无功之山也師之不善无以加此春秋選延之役 邓戦之類是也 主師凶之道也師或有功而凶或无功而吉六三象 六三以柔居剛非其才也位不中正非其任也拂衆 九五為比而九二為師觀師之成卦則師之義得矣 郭氏傳衣易玩

六五田有 禽利執言无咎長子師師弟子與尸貞山象 鱼分四月在世 日長子師師以中行也弟子與尸使不當也 自古帝王與兵動衆蓋未有無名之師也故六五言 在外則覆軍亡將內外无是馬雖左次无功亦謂之 田有禽利執言田之有禽害称也故獵取之蠻戒寇 歟 次得其常也何咎之有故師之凶在內則傷財害民 无咎可也被不度德不量力而喪師者六四之罪人

J. Min Jila 贼害民也故執言以伐之執言奉解也以與師則无 文于此又明弟子雖貞亦凶聖人之意其慎如此 執言專任而已師道貞則吉卦既言得丈人而後吉 與尸之凶長子帥師无凶也然則師之岩道无他馬 長子九二也以行師得其道者也弟子六三也以與 各矣此論在師之君道非將師之事也故雖鳴條之 尸而凶非獨六三之罪也君使之不當也貞凶蓋言 師牧野之戰湯武必執言誓師明告其罪而後举也 18:00 印气中队马兄 1



比吉原筮元永貞元咎不寧方來後夫山 ここうらしまる 者則无咎矣又曰夫剛立之稱也傳曰子南夫也又 上之比下必有元永貞之三者下之比上必求此三 伊川口原筮者推原占決相比之道也非以蓍龜也 曰我非夫剛立者猶凶況柔弱乎雍曰一陽之卦得 位者師比而已得天位則為比得臣位則為師天下 故師先言貞帥師有君道而不得如是之大如是之久 之吉莫吉于此故几直言吉治天下之衆莫急于貞 郭氏侍衣易流

中也不寧方來上下應也後夫凶其道窮也 **蒙曰比吉也比輔也下順從也原筮元永貞无咎以剛** 而已尺不能自保故戴君以求寧君不能獨立故保 民以為安凡生于天地之間者未有不相親比而能 伊川曰卦之辭泛言比道而彖言盡比道之善惟五 獨後予所謂不寧方來而无後凶者矣 也故无元永之貞昔成湯之初征也東征西怨曰奚 自存者也又曰以聖人之公言之固至誠求天下之

到厅四川全書

WINDLY LINE BY 亡矣雍曰天下之吉生于順而凶生于逆下之順從 比以安民也以後王之私言之不求下民之附則危 天下无異意不學方且來非吉子後之凶无順意故 坤則其道窮況後夫子聖人于道窮之際每致意馬 易之道窮則變不知變則失易之道故乾有窮之災 也不寧方如初六六四是也後夫上六之不我比也 者明易之道初无窮人自失之也 上下應者上而六四下而初六非正應而來比也然 郭氏傅家易玩

象曰地上有水比先王以建萬國親諸侯 多分四月百十 曰民之有 君諸侯之有王非先王創治而有之皆出 侯王道之本也觀禹會諸侯于塗山執玉帛者萬國 乎定孟子曰定于一一者王也方地上有水非澤之 伊川云建萬國所以凡民親諸侯所以凡天下先人 周成王時助祭者干八百國春秋之時見于經者止 所鍾散而相親則各有所比先王以是建萬國親諸 于自然之勢此先王封建之本也梁襄王曰天下惡

たこのはない 初六有他吉也 初六有孚比之无咎有孚盈缶終來有他吉泉曰比之 有比春秋之書王其義一也 難初六是也然遠而非應柔弱不能自達有待干 然有應而比者比之易二四是也遠而非應者比之 百年間吞噬屠滅殆盡凡以天下无王故也故易之 百二十四國其後離為十二合為六七卒并于秦數 廣大乎比天下之道見賢則比之不必有應而比也 那代傅家易說

金月四月月 我有之吉因人而得之者也初六才位不足直以誠 者也岳之為器有物盈之則有用也无以盈之虚器 乎中學曰鳴鶴在陰其子和之蓋誠信感人有必應 而比其道蓋益賢于求應者矣何咎之有他吉本非 信得他吉也故比之道雖吉而比之始又以孚為先 之道故終使六二自內與之同比于五也雖非其應 誠信之道自充于中所謂有乎盈缶矣何患其无用 也是缶之有待于物猶初六之不能自用也初六以

六二比之自內貞吉泉曰比之自內不自失也 Je Down Line 蒙之六三亦舍應親二矣而有不有躬之泉益蒙與 道之貞吉也觀初六他吉六二自內之辭可明其義 比以九五為主而六二正應為主于內蓋率天下而 欲親初也欲與之比五也終能同比于五是不失已 比五者故自內之外率天下以歸王也二之比初非 古之人因人得用者多矣惟誠信充于中能終他吉 不然吉未終而凶矣 郭氏傳家易說

動けいんな言 六四外比之貞吉象曰外比于賢以從上也 六三比之匪人象曰比之匪人不亦傷乎 歸湯武或三千或八百國所謂六二貞吉初六他吉 六三不知比賢而比于上上非正應而有凶比非其 者眾矣 見非如家之不有躬也夏商之季天下諸侯相率以 比異道而三與二異位義不同也故象言不自失以 則自失其身矣是其所以可傷也

吉位正中也舍逆取順失前禽也邑人不誠上使中也 C. S. L. L. 九五顯比王用三驅失前禽邑人不誠吉象曰顯比之 荡無黨無偏王道平平 無反無側王道正直凡上之 内或外比以明比道之大不可拘于常也 才位非可無人從上保身而已故得貞而吉比或自 四與初非正應故舍遠比近外比九五之賢亦自知 好遵王之道無有作惡遵王之路無偏無黨王道荡 先人曰洪範五皇極曰無偏無陂遵王之義無有作 100 印し中於らえ

弘定四库全書 所以示下者如此也凡服庶民無有淫朋人無有比 示天下天下自從而比之故曰顯比王田不合圍三 大中之道逆者不追順者不拒无恤于去來无問于 德惟皇作極凡下之所以從上者如此也方顯比建 五之君非以力假仁者也蓋有大中至正之道以昭 自南自北蓋有无思而不中者矣可勝言哉雍曰九 小大邑人之不誠特為其微者言之至于自西自東 面而驅故所失者前禽而已是猶上六之不我比也

後之辭非聖人有以强之也聖人以大中至正舍逆 取順必无侵伐之虞邑人又何誠馬是則顯比之吉 舍之順則取之故上言不寧方來後夫凶皆自來自 謂乎由是知商之三千周之八百亦舍遂取順而已 故曰上使中也書曰民心罔中惟爾之中其使中之 為天下之至公也求其所以然實建大中以致之耳 夫以大中至正之道昭示天下无容私馬是以逆則 謂顯比之道狹不亦異乎 邦氏傳衣弘記

小畜亨密雲不雨自我西郊 上六比之无首凶象曰比之无首无所終也 中至正而比之斯无不吉 其知幾乎故能非其應而獲吉以是知比者必求大 有无首之凶皆逆比之道聖人捨之者也四也初也 元首何異哉是以凶而无所終也三有匪人之傷上 上六非天下之所比又不能比人為臣而无君與无 異乾上下

蒙曰小畜柔得位而上下應之曰小畜健而異剛中而 為小畜捨是皆不能畜矣能大畜天德則理非不亨 者畜之大也故為大畜有入而畜之者畜之小也故 刚德天德也天德畜之則止不能畜則失聖人之所 用也自我西郊明其自我畜之也自我畜之而未及 用君子成已之道未至于成物所以為小畜 小畜疑于未亨故言亨也密雲不雨言畜之而未及 以為聖以能畜天德而已然畜有二道有止而畜之

大足四東 在

郭氏侍家易說

志行乃亨密雲不雨尚往也自我西郊施未行也 泉曰風行天上小畜君子以懿文德 初之應四而曰上下應者陽道過盛喜于從陰雖非 異志也剛德居中而巽志行是以亨也尚往者其道 其位而其忠皆應之也剛中二之天德也志行四之 則為大畜施未行則為小畜也 澤有必下之理君子成已有必能成物之道盡其道 方行行猶未已也施未行也澤未下也密雲尚往則

Chanty Toron 初九復自道何其咎吉泉曰復自道其義吉也 我大小之辨如此 畜其德坤利北馬之貞猶懿文德也風行天上是為 巽入之道是我入而畜之也天在山中則為來畜于 他以成已而後可見于事業也大畜之以畜其德則 天德之大皆止而畜之矣乾之不言所利猶大畜以 于四支發于事業美之至也然則畜之道必先畜美 文德美德也坤言文在中而文言曰美在其中而暢 郭氏侍家易說 至

金分四人百言 畜未能无失是以不免有復也學者不能大畜則有 是以其義吉而无咎也然小畜之道何與于復而初 易為力而不能早辨者難為功故小畜難同而有初 天德之大而人畜之雖曰小畜亦已槊矣惟早辨者 耳 小畜不能小畜則有復雖初无異道蓋力行有淺深 九九二曰復何哉蓋大畜畜而无失无失故无復小 九九三之異也易為力則復自道復自道則鮮失馬

大子の長いよう 一家人 九二牽複吉祭曰率複在中亦不自失也 九三與説輻夫妻反目象曰夫妻反目不能正室也 所以言説輻也說輻則害于行道故又有大妻反目 大畜有止畜之義說輹則止而不行也小畜入而畜 有剛中之德亦將自失矣 勉之義雖无自復之易然强勉能復猶為吉也非二 不能辨之于早至二尤艱矣故率而後復也率者强 之有復之泉馬復貴早辨過中則危矣此率復之後 郭氏傅家易說

六四有乎血去惕出无咎象曰有乎惕出上合志也 馬逐行道于三也小畜牽復于二未為成德故說輻 而後可以成物為是故也大畜與說賴止于二也良 于三不能行也赖可説者也輻不可說者也 壞而車不能行也孔子曰大車無輗小車無斬其何 不能正室者其身不正故也是以君子必篤于成已 以行之哉意與此同求其所以然蓋本于不能正室)東夫妻反目道不行于一家何以正天下是如輻

多分巴尼有電

大色四年公告 国 九五有浮攣如富以其鄰象曰有浮攣如不獨富也 者也富以其鄭則以畜衆為富不以獨智為富矣此 楊然知懼此其所以免害而血去且无咎矣蓋一柔 此六四有孚之道也六四以有孚之道主于中又且 五刚有害而傷之之理故也上合志者合九五有孚 九五合六四誠信之志擊衆剛而畜之是富以其鄰 之志故志行也惟其上合志是以能畜也 以人畜天以柔畜剛非天下之至誠其孰能與于此 郭氏傅家易瓦

既雨既處德積載也君子征山有所疑也 上九既雨既處尚德載婦貞屬月幾望君子狂山泉曰 易言富以其鄰者氧之衆也不富以其鄰者坤也氧 明畜之君道如大舜善與人同取諸人以為善者也 雨則小畜之道盡矣是安于畜者也故曰既處君子 大也坤吝嗇也 于成終之際未嘗不思戒馬戒而尚德則无颠覆之 小畜密雲不雨之象至上九畜道成而後既雨也既

金少口人

12 Talan

とこのられる 園 履虎尾不咥人亨 三 紀元 憂婦人以順為貞不知尚天徳之大以持守之是以 履者行道之義乾在上天道也天道至大天下之所 是以征凶有所疑者盈满皆有疑之時故君子戒之 危也幾望將盈也將盈之時居位之極知進不知退 孔子言知及之仁能守之所謂尚德者如此夫畜德 既成尚戒其失況畜之未成者乎 郭氏侍家易說 +

到定四月全書 | 教曰履柔履剛也説而應乎 乾是以履虎尾不咥人亨 剛中正履帝位而不成光明也 難履而行之也故有履虎尾之象履虎尾直取其難 者雖難而无咥人之患惟有亨之理也孔子言博苑 非取其為害也然履虎尾者有咥人之患履乾之道 舜其猶病諸信乎天道之難履如此 濟泉則曰光舜其猶病諸言修已以安百姓則曰克 履之所以難者以六三之柔而履天之剛德是以難

袋曰上天下澤履君子以辨上下定氏志 シス うら という 舜所以文明皆剛而中正也謂之不疾者如此 亨之衆剛中正九五也履帝位而不疚然後其道 濟而光明疾則不能光明也剛德常過過則疾剛而 也說而應乎轧則與轧合德是以能履而有不咥 伊川曰後世士夫公卿日志于尊榮農工商買日志 不過斯不疾矣故允恭克讓堯所以光被温恭允塞 ,侈富此蓋氏志未定欲其不亂難矣雍曰上天下 Į 部代傳於易況 贫

多好四月全書 九素履往无咎象曰素履之社獨行願也 澤言天道居上則澤必下及也君子之澤无他馬使 斯民各安其分无垂爭之變而已故曰辨上下定民 索有先定于內之義素定于內則隨事之來履而往 志上下既辨則民服事其上而下无觀観又安有不 定之志哉 行貧賤故孔子曰不以其道得之不處也不以其道 2又何咎矣素富贵則可以行富貴素質賤則可以

CALBIEL ALAS 九二履道坦坦幽人貞吉寮曰幽人貞吉中不自亂也 居君位而得中九五也居臣位而得中九二也剛中 其索也 之道自非大人難于兩立此九二所以為幽人之象 曰若欲贵之心與欲行道之心交戰于中豈能安履 得之不去也此素富贵貧賤之道也可以仕則仕可 也素履行已之義非澤民之道故曰獨行願也伊川 以止則止可以久則久可以速則速此孔子之素履 郭氏侍家易說 なべ

多分に人有言 口眇能視不足以有明也跛能履不足以有行也咥人 六三眇能視跛能履履虎尾咥人凸武人為于大君衆 豈不綽綽然有餘裕哉煩道坦坦之謂也故惟孟子 移大丈夫也況已志素定豈有中亂之道哉 得為坦坦也幽人剛中處道深遠非富貴貧賤所能 然後有餘裕不然雖周公大聖人亦有跋壞之患不 而非贞吉乎孟子曰我無官守我無言賣則吾進退 也履得其道而坦坦平且易也幽人之履如此何適

S. Ja. Januar Lister 之凶位不當也武人為于大君志剛也 勢无全人故有眇跛之義也以是而視以是而履所 六三以陰居陽无中正之道又以一柔介五剛之間 于下視于前則不能視于後常有不足之道故則也 以遇咥人之凶矣夫居五剛之中履于上則不能履 居飲武人三軍之勇者視不勝猶勝則其視一于進 **跳也遇咥也皆以不足故也位不當者豈以非其所** 而已自反而縮雖干萬人吾往則其履亦一于進而 郭氏傅家马說 交

面好四月在書 九四履虎尾憩憩終吉象曰憩憩終吉志行也 吉者明武人可用也履之爻六三九五皆有二義亦 九四近剛決之君處多懼之地而能想想恐懼所謂 如否之小人吉大人否亨恒之婦人吉夫子凶皆難 以一義明矣 凶之後繼以武人為于大君而衆言志剛不言其凶 已此所以惟武人可用是道以有為于大君也夫武 可用有為于大君者以其志剛也故文解于咥人

たらいのは人とない 九五夬履貞屬象曰夬履貞屬位正當也 戰戰兢兢如臨淵履冰者也豈有不終吉者哉此聖 志行也 難而志行也出美里而請除炮烙之刑文王居難而 而自任其剛宜為致山之道然以居位正當故特貞 **大決也剛決不已之辭也以陽居陽剛之過也剛過** 志孝也文王之志仁也父頑母嚚而克詣以孝舜居 人居危難之道也志行者不失其所志之謂也舜之 1.7 郭氏伸家易記

鱼公口厂 上九視履考祥其旋元吉象曰元吉在上大有慶也 矣 **厲而已非所謂履帝位而不疢者也彖論中正故發** 其光明之義爻言夬屬故示以剛決之戒道之常變 其旋元吉猶嚮用五福也雍曰視履而考其祥則其 如此位正當者循以用剛而厲則知位非正當者凶 動容問旋之間元吉著矣所以大有慶也大有慶者 先人曰視履猶洪範之五事也考祥猶念用庶徴也

一たいうほという 人有慶兆民賴之也 郭氏傅家易託

郭		国员四月 在1
郭氏傅家易說卷		丹在書
説卷一		基
		 <u> </u>